

Wat ys dat?

Wy schölen Godt fruchten unde leuen / dat wy by synen namen / nicht flöken / sweren / töuern / legen edder dregen / Sundern / densüluen in allen nöten antopen / beben / lauen unde danken.

Dat drüdde Gebodt.

Du schalt den Byrdach hilligen.

Wat is dat?

Wy schölen Godt fruchten unde leuen / dat wy de Predigen unde syn Wordt nicht vorachten / sunder datfülsue hillig holden / gerne hören unde lehren.

Dat Veerde Gebodt.

Du schalt dynen Vader unde dyne Moder ehren / up dat ydt dy wolgha unde lange leuest up Erden.

Wat ys dat?

Wy schölen Godt fruchten unde leuen / dat wy unse Oldern unde Heren nicht vorachten noch vortörnen / Sunder se in ehren holden / en denen / gehorsam syn / Se less unde weerd holden.

Dat vöfste Gebodt.

Du schalt nich böden.

Wat ys dat?

Wy schölen Godt fruchten unde leuen / dat wy unsem Regesten / an synem lyue nenen schaden noch leidt dohn / Sunder helpen unde vördern in allen Lynes nöden.

Dat Söfte Gebodt.

Du schalt nicht Gebreken.

Wat ys dat?

Wy schölen Godt fruchten unde leuen / dat wy küsch unde tüchtigen leuen / in wörden unde werken / unde ein yder synen echten Gaden leef hebben unde ehren.

Dat Söuende Gebodt.

Du schalt nich stelen.

Wat ys dat?

Wy schölen Godt fruchten unde leuen / dat wy unses Regesten Geldt edder Guds nicht nehmen / noch mit falscher wahre edder handel an uns bringen / Sunder em syn Guds und naringe helpen beteren und bewaren.

Dat Achte Gebodt.

Du schalt nene valsche Tüchenisse reden wedder dynen Regesten.